



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

Nvm. 5. De Scordiscis.

urn:nbn:de:hbz:466:1-13167

filio, ut vult *Appianus*. Hic cum Celtis (quos Cimbros vocat idem Appianus) ad Delphos castra posuerunt, sed inde procellis repulsi in patriam suam rediere, ubi tanta ranarum vis exorta, ut flumina computrescerent; neque tantum, sed extitere ex terrâ pestiferi vapores quibus pestis in Illyrico excitata eos potissimum afflixit. Quare ex patriâ profugere coacti sunt, & à nullo recepti, occupauere palustrem regionem prope Bastarnas, ibique urbes condidere. *Strabo lib. 7.* ait cum Ardiæis sâpe de sale pugnasse, quo fruebantur alternis vicibus: sed cùm iidem Autariotæ Triballos domuissent supra alios Illyrios & Thracæ extulisse caput; verum à Scordiscis exutos esse potentiam, & utrosque à Romanis fuisse debellatos.

N V M. 5. *De Scordiscis.*

SIC dictos esse *Appianus* innuit à Scordisco filio Autarij, nisi malis à monte Scordo, vel Scodro sic appellatos; *Strabo* tamen significat illos Gallos esse origine; neque alij videtur à Gallis qui ad Adriam incolentes venere ad Alexandrum, nihil metuentes præter cæli ruinam. Certè *Iustinus lib. 32* ait partem Comitum Brenni, qui Delphicum templum obsederant, repulsam venisse ad confluentem in Danubium Sabum, hic se vocari Scordiscos voluisse. Magnæ olim fuerunt auctoritatis, & Triballos ad Getas fugere compulerunt. Vidimus & suprà Autariotas ab iis domitos: immo & eò virium increuississe, ut usque ad Illyriorum, Pannorum & Thraciæ fines Imperium suum protenderent. Nihilominus asserit *Strabo* à Dacis accepisse cladem, & Scordiscos quidem planè debellatos, Gallos autem eis permixtos seruatos esse, sociosque se Dacis præbuuisse. Tandem cùm Scordisci iuncti Dardanis, & Medis in Macedoniam irrupissent, & Delphicum inuasissent templum, bello petiti sunt à Ro. Duce Lucio Scipione, à quibus Scordisci fermè deleti, quoniam à finitimis deserti sunt qui venerant in prædæ communionem. Et tunc reliquiae eorum ad Insulas Istri profugerunt: postmodum tamen ad Pæones redierunt, ideo inter Pæones Scordiscorum adhuc genus est. Vnde in duas sedes discreti ab eodem Strabone dicuntur, & alij habitasse feruntur inter duos amnes in Istrum influentes Noarum, qui præter Segesticam fertur, & Martum, seu Bargum; alij verò Mysis, & Triballis confines fuisse perhibentur.

N V M.